

暖紅

座凍初開



重編會真雜錄卷下

西廂附錄十三種之一

南山村農劉世珩輯

子之泗

侍校

女之清

詩詞類

詩

五古

夢遊春詩

唐元稹

昔君夢遊春夢遊何所遇夢入深洞中果遂平生趣
清冷淺漫溪畫舫蘭篙渡過盡萬株桃盤旋竹林路

長廊抱小樓門牖相回互樓下雜花叢叢邊繞鴛鴦
池水漾彩霞曉日初明煦未敢上階行頻移曲池步
烏龍不作聲碧玉曾相慕漸到簾幕閒徘徊意猶懼
閒窺東西閣奇玩參差布格子碧油糊駝鉤紫金鍍
逡巡日漸高影響人將寤鸚鵡飢亂鳴嬌娃睡猶怒
簾開侍兒起見我遙相諭鋪設繡紅茵弛張鈿妝具
潛褰翡翠帷瞥見珊瑚樹不辨花貌人空驚香若霧
身回夜合偏態斂晨霞聚睡臉桃破風汗妝蓮委露
叢梳百葉髻金蹙重臺履紕軟殿頭裙玲瓏合歡袴

鮮妍脂粉薄暗淡衣裳故最是紅牡丹雨來春欲暮
夢魂良易驚靈境難久寓夜夜望天河無繇重沿沂
結念心所期返如禪頓悟覺來八九年不向花回顧
雜洽兩京春喧闐衆禽護我到看花時但作懷仙句
浮生轉經歷道性尤堅固近作夢仙詩亦知勞肺腑
一夢何足云良時自婚娶當年二紀初嘉節三星度
朝薜玉珮迎高松女蘿附韋門正全盛出入多歡裕
甲第漲清池鳴騶引朱輅廣榭舞葳蕤長筵賓雜厝
青春詎幾日華實潛幽壺秋月照潘郎空山懷謝傅

紅樓嗟壞壁金谷迷荒戍石壓破欄杆門摧舊桎杻
雖云覺夢殊同是終難駐惛緒竟何如夢紗不成綯
卓女白頭吟阿嬌金屋賦重壁盛姬臺青塚明妃墓
盡委窮塵骨皆隨流波注幸有古如今何勞縑比素
況余當盛時早歲諧時務詔冊冠賢良諫垣陳好惡
三十再登朝一登還一仆寵榮非不早遭回亦云屢
直氣在膏肓氛氲日沈痼不盡意不快快意言多忤
忤誠人所賊性亦天之付乍可沈爲香不能浮作瓠
誠爲堅所守未爲朋所措事事身已經營營計何誤

美玉琢文壇良金填武庫徒謂自堅貞安知受礪鑄
長絲羈野馬密網羅陰兔物外各迢迢誰能遠相箇
時來既若飛禍速當如驚曩意自未精此行何所訴
努力去江陵笑言誰與晤江花綻可憐奈非心所慕

慕字重押

石竹逞姦黠蔓菁誇畝數一種薄地生淺深何

足妬節葉水上生團團水中住瀉水注葉中君看不

相污

王驥德按右詩微之長慶集不載舊本攷證至出入多歡裕止亦逸其半金陵焦太史先生家

藏宋板微之集載有全篇錄以見寄始成完璧今並梓入又按此詩係微之爲江陵士曹掾時所寄已

別崔九年蓋喪韋氏之次年也又微之嘗自彙其詩爲十體寄樂天詩序云云又有以干教化者近昵婦

人暈淡眉目綰約頭鬢衣服修廣之度及匹配色澤
尤劇怪豔因為豔詩百餘首有今古兩體古詩十七
首皆所謂豔體詩也今長慶集不載洪景伯謂別有
小集十卷今逸不見又微之別有感事一首富貴年
皆長風塵舊轉稀白頭方見絕遙為一沾衣憶事一
首夜深閒到戟門邊卻繞行廊又獨眠明月滿庭池
水綠桐花垂在翠簾前二詩真為崔作無疑性之顧
不及何耶今參入載顧玄緯會真記雜錄卷二
王驥德校注古本西廂記考羅懋登重校北西廂
記卷四閔遇五會真六幻幻因按顧羅本僅至
出入多歡裕止少三十四韻即伯良所謂舊
本亦逸其半者今從王閔本錄入夢鳳識

和微之夢遊春詩百韻

並序

白居易

微之既到江陵又以夢遊春詩七十韻寄予且題
其序曰斯言也不可使不知吾者知知吾者亦不

可使不知樂天知吾者吾不敢不使吾子知予辱
斯言三復其旨大抵悔既往而悟將來也然予以
爲苟不悔不悟則已若悔於此則宜悟於彼也反
於彼而悔於妄則宜歸於真也況與足下外服儒
風內宗梵行者有日矣而今而後非覺路之反也
非空門之歸也將安反乎將安歸乎今所和者其
章指卒歸於此夫感不甚則悔不熟感不至則悟
不深故廣足下七十韻爲一百韻重爲足下陳夢
遊之中所以甚感者敘婚仕之際所以至感者欲

使曲盡其妄周知其非然後返乎真歸乎實亦猶
法華經敍火宅偈化城維摩經入姪舍過酒肆之
義也微之微之予斯文也尤不可使不知吾者知
幸藏之云爾

昔君夢遊春夢遊仙山曲恍若有所遇似愜平生欲
因尋菖蒲水漸入桃花谷到一紅樓家愛之看不足
池流渡清泚草嫩蹋綠蓐門柳暗全低檐櫻紅半熟
轉行深深院過盡重重屋烏龍臥不驚青鳥飛相逐
漸聞玉珮響始辨朱履躅遙見窗下人娉婷十五六

霞光抱明月蓮豔開初旭縹緲雲雨仙氛氲蘭麝馥
風流薄梳洗時世寬妝束袖輭異文綾裙輕單絲縠
裙腰銀綠壓梳掌金筐蹙帶纈紫葡萄袴花紅石竹
凝情都未語付意微相矚眉斂遠山青鬟低片雲綠
帳牽翡翠帶被解鴛鴦襪秀色似堪餐穠花如可掬
半捲錦頭席斜鋪繡腰褥朱脣素指勻粉汗紅綿撲
心驚夢易覺夢斷魂難續籠委獨棲禽劍分連理木
存誠期有感誓志真無黷京雒八九春未曾花裏宿
壯年徒自棄佳會應無復鸞歌不重聞鳳兆從茲卜

韋門女清貴裴氏甥賢淑羅扇夾花燈金鞍攢繡轂
旣傾南國貌遂坦東牀腹劉阮心漸忘潘楊意方睦
新修履信第初食尙書祿九醞備聖賢八珍窮水陸
秦家重蕭史彥輔憐衛叔朝饌饋獨盤夜醪傾百斛
親賓盛輝赫妓樂紛晁煜宿醉纔解醒朝歡俄枕麴
飲過君子爭令甚將軍酷酩酊歌鷓鴣顛狂舞鵲鵲
月流春夜短日下秋天速謝傳隙過駒蕭娘風送燭
全彫薜花拆半死梧桐禿闍鏡對孤鸞哀猿留寡鵲
淒淒隔幽顯冉冉移寒燠萬事此時休百身何處贖

提攜小兒女將領舊姻族再入朱門行一傍青樓哭
樨空無廢馬水涸失池鶩搖落廢井梧荒涼故籬菊
莓苔上几閣塵土生琴筑舞榭綴蠨蛸歌梁聚蝙蝠
嫁分紅粉妾賣散蒼頭僕門客思徬徨家人哭咿噢
心期正蕭索宦序仍拘跼懷策入嶠函驅車辭邾鄢
逢時念旣濟聚學思大畜端詳筮仕著磨拭穿楊鏃
始從讐校職首中賢良目一拔侍瑤池再陞紆繡服
誓酬君王寵願使朝廷肅密勿奉封章清明操憲牘
鷹鞬中病下多角當邪觸紕謬靜東周申冤動南蜀

危言詆閹寺直氣忤鈞軸不忍曲作鉤乍能折爲玉
捫心無愧畏騰口有謗齟只要明是非何曾虞禍福
車摧太行路劍落豐城獄襄漢問修途荆蠻指殊俗
謫爲江府掾遣事荊州牧趨走謁麾幢喧煩視鞭扑
簿書長自領縲囚每親鞫竟日坐官曹經旬曠休沐
宅荒渚宮草馬瘦畬田粟薄俸等涓毫微官同桎梏
月中照形影天際辭骨肉鶴病翅羽垂獸窮爪牙縮
行看鬢閒白誰勸杯中綠

綠字重押或淥
醪二字之誤

時傷大野

麟命問長沙鵬夏梅山雨漬秋瘴海雲毒巴水白茫

茫楚山青簇簇吟君七十韻是我心所蓄既去誠莫
追將來幸前勗欲除憂惱病當取禪經讀須悟事皆
空無令念將屬請思遊春夢此夢何閃倏豔色卽空
花浮生乃焦穀良姻在佳偶頃刻爲單獨人仕欲榮
身須臾成黜辱合者離之始樂兮憂所伏愁恨僧祇
長歡榮剎那促覺悟因旁喻迷執繇當局膏明誘闇
蛾陽燄奔癡鹿貪爲苦聚落愛是悲林麓水蕩無明
波輪迴生死輻塵應甘露灑垢待醍醐浴瘴要智燈
燒魔須慧刀戮外熏性易染內戰心難泐法句與心

西府附
王期君日三復

元注微之常以法句及心王頭陀經相示故申言以卒其志也王驥德

按白居易字樂天下邽人幼敏悟絕人與元稹同舉制科交契甚厚樂天守杭州時微之以浙東觀察使駐越多所倡酬篇詠以詩笛往來不閒故微之百韻詩注謂詩惟樂天知此樂天和夢遊春詩序謂微之既到江陵又以夢遊春七十韻寄予且題其序曰斯言也不可使不知吾者知云云蓋微之既喪韋氏之後猶不能忘情於崔故為此詩以貽白而白和篇語語與微之脗合真所謂唯樂天知此事者也載顧

玄緯會真記雜錄卷三

王驥德校注古本西廂記考

閱遇五會真六幻幻因

題會真詩三十韻

唐杜牧

鸚鵡出深籠麒麟步遠空拂牆花颯颯

一作颯颯

透戶月

隴隴暗度飛龍竹潛挨舞

一作宿

鳳桐松篁搖夜影錦

繡動春風遠信傳青鳥私期避玉童柳烟輕漠漠花
氣淡濛濛小小釵簪鳳盤盤髻縮龍無言欲寶枕赧

面對銀釭姑射離仙闕姮娥降月宮精神絕趙北顏
色冠蒲東密約千金值靈犀一點通修眉蛾綠掃媚

臉粉香蒙燕隱凝香壘蜂藏芍藥叢留燈垂繡幕和

月簌

一作下

簾櫳弱體花枝顫嬌顏汗顆融筍抽纖玉

軟蓮襯朵頤豐笑吐丁香舌輕搖楊柳躬未酬前恨
足肯放此情鬆幽會愁難載通宵意未窮錦衾溫未
暖玉漏滴將終密語重言約深盟各訴衷樹交連理

並帶結合歡同烟篆消金獸燈花落玉蟲殘星光閃
閃曙色影瞳瞳別淚傾江海行雲蔽華嵩花鋤留寶
靨羅帕記一作寄新紅有夢思春草無因繫短蓬傷心

怨別鶴停目送歸鴻厚德難酬報高天可逕沖寸誠

言不已封在錦箋中

載顧玄緯會真記雜錄卷三
王翼德校注古本西廂記考

羅懋登重校北西廂記卷四
閔遇五會真六幻幻因

題會真詩四十韻

宋 林 泉

偶讀微之傳閒吟苦索按當年詩已賦戀彼志難酬

燕燕情何限鶯鶯語未休低低垂帳幙肅肅抱衾裯